

通城縣志卷二十

古蹟

高人逸士往矣藉以不往者遺蹟焉耳蓋奇蹤異景曠代相傳如杜工部之溪號浣花王右軍之池名洗硯皆地以人重也通邑名勝流傳有可爲山川增色者類以誌之俾不忘焉

方尙書故居 舊在巽宮崇仙里義井遷梓木里新莊有落業詩鐫門首壁字跡森然今汪姓居此猶珍重之

通城縣志

卷二十

古蹟

一

楊狀元故居 在西城外烏橋畷楊家莊至今狀元坡係當日讀書處

鍾學士故居 在乾宮左港圖河田坳

舒方伯故居 在中宮麥田圖麥田畷有牌坊遺蹟

劉御史故居 在巽宮大窩圖遷塘湖獅子山今子

姓居焉象笏猶存

仙人石 在黃龍山葛稚川修煉處有隻角樓遺址

旁產奇竹風來自掃壇石壇畔有靈湫勝井井上有池池旁有藥槽井旁石屋可容數人屋內有石

臺鑄湫池勝井旱禱輒應井內有黃魚二山巖內

有石天梯呂純陽有紀勝詩

詳藝文

石田三畝 在黃龍山生成石田三畝其石塊如犁
轉一般內產紅蓮係仙人葛稚川遺蹟

劉磐幕 在幕阜山巔吳太史慈爲建昌都尉拒劉
表從子磐建營幕於此故名山上有巨石名繫舟
峰列仙臺旁產瑞竹同本異幹隨風自掃名掃壇
竹上有沸沙池芙蓉池水甚清潔中有金鯉出沒
又有仙人洞石上有仙人跡葛仙壇丹井丹竈石

通城縣志

卷二十 古蹟

二

白之類至今猶存又有紫青觀海棠洞花常夏開
甚豔麗其山產藥味多種怪草奇木多不識認其
勢高遠雄壯爲義甯平江交界處許元信王炎經
此有紀勝詩

詳藝文

寶鏡石 在巽宮黃龍圖鏡阜山山腰方石如嵌四
旁蒼黑其中潔白周二丈許斜陽倒射炯然有光
仙人臺 在巽宮黃龍圖從隆曠衍舊傳樵者見二
老飲此異而叩之一云姓王葉縣令也其一不答
飲畢而去跡之不見故名

摸劍嶺 在巽宮盤石圖其嶺石骨匍匐上有數石

如削若切片然石旁手痕猶在相傳爲呂純陽遺跡

鳳凰池 在巽宮黃龍圖踞山岔坡頂其形如盂中

有小岡地皆沮洳相傳周時有鳳鳴於此

玉女峰 在巽宮黃龍圖寶鏡洞口東有亭西有寶

鏡石其峰相對如玉女臨妝然

金鷄石 在銀山下古有錦鷄鳴於其上宋狀元楊

起莘有詩

詳藝文

通城縣志

卷二十

古蹟

三

槐寮寨 在巽宮汪坊圖大盤山頂南界義甯東界

崇陽東南北俱陡巖峭壁惟西南一路名仙人埂

從石巖鑿梯可登寨巔三峰鼎峙寬平約百餘畝

有清泉可汲每雲開天朗可望洞庭人立中峰俯

視插劍巖莫不悸眩舊傳唐時黃巢肆亂里民張

十萬立寨其上倚槐爲保障集鄉民訓練技勇寇

去下山耕種聞警則入寨避之至今墾山者猶獲

有刀鐙器皿諸古物

黃石公隱居 在中宮鷹柴圖相師山頂陡仄莫登

惟南脊寬尺許僅容人足高數十丈上有石柱四
約一圍石址三間非人力所能舁相傳黃石公隱
此

黃大石 在艮宮黃大圖舊傳黃石公坐煉於此至
今足跡宛然左有小溪異石錯落其間水繞堆山
而出邑貢生雷驚春有詩

詳藝文

洗經井 在西林岡下左側明御史劉仕昌父原達
獨居理經其旁有丐嘔污其經持於井洗之晒經
石上經面忽現詩一首有伏虎山下鳳凰開之句

通城縣志

卷二十

古蹟

四

遂娶虎山鄭氏女生仕昌井今改爲塘石呼爲曬
經石

銀山小八景 瑞慶峰 金輪嶺 棲霞石 邀月
臺 碧瀾溪 積翠巖 印天池 鍾秀泉

仙人石 在銀山西麓高二丈許圍數丈頂圓如圭
鐫天仙永祝四字字畫端楷

主簿廟 在銀山西麓舊傳唐時柳姓主簿採礦穴
崩官夫俱陷後雷雨大作掣出主簿屍如生土人
立廟祀之

龍印石 在巽宮龍印圖石上有龍印跡

烏龜石 南城外秀水中其形如龜舊傳簡公和尚
修煉於此

一箭巖 在縣南二十二里章元洞與蜜巖山對峙
其巖有二孔一曰乾巖中可容數十人一曰濕巖
內有二石乳滴水天旱祈禱取水輒應濕巖一孔
與乾巖通有風噓吸名曰風孔

插劍巖 在汪坊圖大盤山槐寮寨山腰插有古劍
中有奶石是山諸石皆青此石獨白下垂如乳水

通城縣志

卷二十 古蹟

五

滴四時不竭

富貴石 在兌宮十里圖上鐫富貴二字

破石籬 在中宮破石圖道旁一巨石中裂一縫竹
木生焉

螺盃石 在兌宮鷹柴圖大佛寺側港中其形圓如
螺中空深二丈餘

尖石 在離宮中堡圖形尖如筆

仙石洞 在乾宮梅林圖有仙人廟石上仙跡宛然
鼓石 在坤宮東嶽圖楊羅山上其形如鼓擊之有

離宮中堡圖亦有此石

活石 在坤宮踏水圖周圍約四五丈息聲近之一指可搖動若聞人聲則不動矣

銅範觀音像 在左港迴龍寺宋學士鍾洪之女妙貞適江西甯州沈良鑑早寡因亂回家矢守冰操購像於此

丈鼓塘 在震宮赤竹圖二塘相連形如鼓係崇通交界處

三仙石 在坎宮東源圖大箬姑尖山頂有三石仙人雲起夕必有雨西連小箬姑尖

仙棋石 在巽宮舊傳有二仙圍棋於上故名離宮亦有此石

張果石 在中宮馬坑圖鼓鳴山右舊傳張果老至此仙跡宛然雞籠山田中亦有此石

仙坐石 在巽宮株樹潭下俗呼胘子石舊傳有仙坐其上形跡尚存又兌宮馬洞圖震宮守仙圖均有此石按震宮之石舊傳呂純陽守何氏仙姑坐此石上留有痕跡側近有仙梯一乘白石嶄然俗

名上天梯約長丈餘記有十餘蹋

獅子巖 兌宮仙人圖石溪寺前溪水合流於此坤宮沙段圖亦有牝牡二獅石其牡者回首若顧牝狀

金銀冲 在汪坊圖冲頂有石孔高數仞分乾濕兩广灣曲如屋可容數十人广盡處爲潭上有生成石觀音像水從潭底翻出大盤寺僧田賴以廕注大紅石 在巽宮千提潭下兩石對峙屹立中流常爲沙淤居民以此石出見卜一村豐稔

通城縣志

卷二十一 古蹟

七

石墩陂 在巽宮游洄段先係深潭後結成石陂高丈餘

仙人洞 在巽宮相傳何仙姑在此修行基址尙在石崖內有銅神像

藕塘泉 在乾宮大陽圖有石山柴出泉甘冽四時不涸

眠石牛 在乾宮方段圖一名石堰如牛卧水

龍潭 在乾宮大陽圖兩山對峙潭左右峭壁如削上有龍爪龍尾印跡水注潭中聲如洪鐘相傳爲

龍藏處

正龍窟

在震宮正龍圖山高十餘丈值歲旱初更

時山頂有紅毬時起時落相傳爲火龍戲珠云

響石

在巽宮梓木里黃袍山石似魚形擊首則尾

鳴擊尾則首鳴中空聲從內出其韻鏗然近聽則聲猶細稍遠而聲更洪石上損一塊相傳有人欲碎之以歸忽陰雲四合雷電交作因懼而止

乳石

在巽宮梓木里黃袍山上有石巖滴水下結

乳石其色白多成筍形

通城縣志

卷二十

古蹟

八

雷神石

在中宮風雨圖過水埠內相傳先年此石

夜行食稻後有異人書一大佛字於石上乃止其字至今尙存石上窄下寬頂平可坐二十餘人高二丈餘週圍約十數丈

石門

在坤宮易段圖跨兩岸形如磬水從中流若

門之闢然

龍王井

在艮宮小井圖係一村水口左右龜蛇對

峙中流矗起石印墩其下潭深數丈水清可鑑

湯坑泉

在雲溪里八圖早晚蒸霧冬夏皆溫天將

陰雨輒有霞光

鷹石 在雲溪中堡圖相傳石破處有白鷹飛出至
今尙有鷹跡

仙牛石 在中堡圖相傳有仙人牽牛經過至今牛
跡森然

風孔巖 在坎宮韓峰圖四脚嶺之巔昔有仙修煉
於此孔中可容數十人

大泉巖 在巽宮下荻田圖有洞可容數十人中有
龍王位旱禱輒應

通城縣志

卷二十

古蹟

九

石人 在乾宮大揚圖聳立山頂高數丈儼如人形
近巴陵界

石鼓 在乾宮團山圖金山頂形如鼓高八丈圍數
丈